

ժամանակ կատարվող շարժական խաղերի մասին: Գրանցվել են նաև Ալաշկերտի մի շարք պարեր՝ տեղի վերաբնակիչներից:

Նրաժշտական ֆուլկլորի գծով ձայնագրված նյութերից ուշագրավ են հին և ժամանակակից երգերը, պարերգերը, մենապարերը, խմբապարերն ու աշխատանքային, ծիսական և այլ բնույթի երգերը: Ընդհանուր առմամբ Իջևանի շրջանում արշավախմբերի հավաքած բանահյուսական, երաժշտական և պարային ֆուլկլորի նյութերը ինչպես զաղափարական բովանդակությամբ, այնպես և զեղարվեստական-արտահայտչական տեսակետից վերաբուրդրում են ավելի բնականավայրի ժողովրդի աշխարհաբանության, սոցիալական կյանքի, կենցաղի գծերը, նրա ազգագրական, տեղագրական առանձնահատկությունները: Այդ նյութերը կազմադրվել են ժողովրդական բանահյուսության գծով կատարվող համահավաք հրատարակությունների և հետազոտությունների ընթացքում:

Ազգագրական գիտարշավախմբի մի շտաբ, որի կազմում էին գիտ. աշխատակիցներ Վ. Բզոյանը, Ա. Սդարաշյանը և լուսանկարիչ Գ. Ժամկոչյանը, նյութեր է հավաքել Լեռնային

Ղարաբաղում (Վ. Բզոյան) և Զանգեզուրում (Ա. Սդարաշյան): Պատմական գիտությունների թեկնածու Վ. Բզոյանը եղել է Ատեփանակերտում, Շուշիում, Խանաձախ գյուղում, և ազգագրական նյութեր է հավաքել երկրագործության վերաբերյալ, իսկ կրտսեր գիտ. աշխատակից Ա. Սդարաշյանը՝ հավատարիքների և ժողովրդական տոների մասին: Գործում և խնամքով, Շինուհայր, Խանաձախ, Փարահունջ գյուղերում:

Ավագ գիտական աշխատակից Ա. Լիսիցյանը Ժ. Խաչատրյանի մասնակցությամբ գրանցել է շուրջ 150 պարեր, պարերգեր, ծեսեր և այլ կարգի նյութեր Ապարանի, Արթիկի, Կամոյի և Վասպուրականի ինֆորմատորներից:

Հնագիտական, ազգագրական և ֆուլկլորային արշավախմբերի ամենամյա աշխատանքների շնորհիվ հայտնաբերվում, հավաքվում և գիտական շրջանառության մեջ են մտնում նորանոր նյութեր, որոնք կարևոր նշանակություն ունեն հայ ժողովրդի պատմության, նյութական և հոգևոր մշակույթի ուսումնասիրության համար:

Յ. Ն.

ԱՎԱԳԵՄԻՈՍ Վ. Հ. ՀԱՄԱՐԱԶՈՒՄՅԱՆԸ՝ ՄԵԶԱԶԳԱՅԻՆ ԱՍՏՂԱԳԵՏԱԿԱՆ ՄԵՌԻԹՅԱՆ ՊՐԵԶԻԵՆՏ

1961 թ. սեպտեմբերին Բերկլի քաղաքում (ԱՄՆ, Կալիֆորնիայի նահանգ) տեղի ունեցավ Միջազգային աստղագիտական միության XI համագումարը, որին մասնակցում էին աշխարհի բազմաթիվ երկրների հազարից ավելի գիտնականներ: Սովետական գիտնականների ղեկավարեցին, որի կազմում էին՝ Ղրիմի աստղագիտարանի գիրեկտոր, ՍՍՌԽ ԳԱ թղթակից-անդամ Ա. Ի. Սևերին, Պուկովոյի աստղագիտարանի գիրեկտոր, ՍՍՌԽ ԳԱ թղթակից-անդամ Ա. Ա. Միխայլովը և սովետական ուրիշ ականավոր աստղագետներ, ղեկավարում էր Հայկական ՍՍՌ ԳԱ պրեզիդենտ, ակադեմիկոս Վ. Հ. Համարաձումյանը:

Սովետական գիտնականները մասնակցեցին համագումարին նախորդած սիմպոզիումներին: Արտասահմանյան աստղագետների վրա մեծ տպավորություն գործեցին առանձին զալակտիկաների ֆոտոնկարները, որոնք ստացվել են սովետական հզոր տելեսկոպի օգնությամբ: Տելեսկոպի մոդելը ցուցադրված էր Կալիֆորնիայի համալսարանի այն շենքում, ուր տեղի էին ունենում համագումարի նիստերը:

Համագումարում աշխարհի տարբեր երկրների գիտնականները ինֆորմացիաներ տվեցին իրենց կատարած աշխատանքների մասին, պլաններ մշակեցին աստղագիտության տարբեր ճյուղերի գծով ապագայում կատարվելիք համատեղ հետազոտությունների համար: Հետազոտությունների կոորդինացման խնդիրները քննարկվում էին Միջազգային աստղագիտական միության 40 մշտական հանձնաժողովներում:

Ի տարբերություն անցյալ համագումարների, այս տարի պլենար նիստերում տրվեցին ամփոփիչ բնույթի ընդարձակ զեկուցումներ: Այդ զեկուցումներից երկուսը կարդացին ամերիկյան աստղագետներ Վան Ալենը և Շվարցշիլդը: Հատուկ պլենար նիստ էր նվիրված ակադեմիկոս Վ. Հ. Համարաձումյանի զեկուցմանը, որի մեջ քննարկվեցին արտագալակտիկական աստղաբաշխության պրոբլեմները:

Համագումարում ՍՍՌԽ ԳԱ թղթակից-անդամ Ա. Բ. Սևերինը տված զեկուցումը նվիրված էր արևի վրա տեղի ունեցող մագնիսական երևույթներին: Պրոֆ. Բ. Ա. Վորոնցով-Վելյա-

մինովր հաղորդեց փոխադարձ ազդեցությունների մեջ գտնվող գալակտիկաների վերաբերյալ ստացված նոր արդյունքների մասին։ Հատուկ հետաքրքրություն առաջացրեց առաջին անգամ բյուրականում հայտնագործված սպիրտակ թզուկներից կազմված աստղային կուտակումների մասին գիտական հաղորդումը։

Ամերիկյան աստղագետները զեկուցեցին Մերկուրի մոլորակի ռադիոճառագայթման հայտնագործման մասին։ Անգլիացի պրոֆ. Ռայլը պատմեց առանձին ռադիոգալակտիկաների հաշվառման ուղղությամբ իր աստղագի-

տարանում կատարվող աշխատանքների մասին։

Միջազգային աստղագիտական XI համագումարն անցավ տարբեր երկրների գիտնականների համագործակցության մթնոլորտում և նպաստեց նրանց ջանքերի միավորմանը՝ սինգերի ճանաչման գործում։

Համագումարը հաջորդ երեք տարվա համար Միջազգային աստղագիտական միության պրեզիդենտ ընտրեց ակադեմիկոս Վ. Հ. Համբարձումյանին։

Ա. Գ.